

SCRIPTA

Numéro Scripta : 4517

Auteur(s) : Jean de Dol, Combourg (seigneur)

Bénéficiaire(s) : Poilley, Notre-Dame de Montmorel (abbaye)

Genre d'acte : charte

Authenticité : non suspect

Datation : 1235

Action juridique : autre

Langue du texte : latin

Analyse

Jean de Dol, seigneur de Combourg, donne son accord aux donations faites par Adam de Pael et Gilles Danebaut à l'abbaye et aux chanoines de Notre-Dame de Montmorel.

Tableau de la tradition

Éditions principales

a. Dubosc François, *Cartulaire de la Manche*, abbaye de la Luzerne, abbaye de Mont-Morel, prieuré de la Perrine, Saint-Lô, Jacqueline fils (Archives départementales de la Manche), 1878, Mont-Morel, n° CXCVI, p. 195.

Texte établi d'après a

Universis Xpisti fidelibus presentem paginam inspecturis Johannes de Dolo, dominus Comburnii, salutem in Domino. Noverit universitas vestra quod Adam de Paluel et Egidius Danebaut, in presentia mea constituti, assensu et voluntate mea, pro salute animarum suarum, dederunt et concesserunt abbatie Beate Marie de Monte Morelli, et canonicis ibidem Deo servientibus, videlicet Adam terram suam de Peilloielle, de qua dicti canonici reddent michi annuatim, ad Natale Domini, quatuor solidos Cenomanensium et dimidiam minam frumenti. Et sciendum est quod dictus Adam tenebit et habebit predictam terram a predictis canonicis, reddendo exinde eis, ad Natale Domini, quinque solidos Turonensium annuatim, et, cum dictus Adam obierit, predicta terra in dominicum canonicorum remanebit. Predictus vero Egidius unam minam frumenti et decem et octo Turonenses cum Johanne Farsi, et cum Ricardo Boistart et participibus suis unum boissellum frumenti annui redditus, ad Natale Domini, recipiendos. Hec supradicta tenebunt et habebunt dicti canonici in puram et perpetuam elemosinam, absque ulla reclamazione sui vel heredum suorum. Hoc enim sciendum est quod predicti canonici in predictis tenementis, pro redditu suo ultra terminum detento, justiciam suam poterunt exercere. Hanc autem donationem dicti Adam et Egidius dicte abbatie contra omnes homines tenentur garantizare. Ad majorem autem confirmationem, quoniam dicti Adam et Egidius sigilla propria non habebant, ad petitionem ipsorum, presentem paginam sigilli mei munimine roboravi. Actum anno Domini M° CC° tricesimo quinto.